

Jesuu - Mixtec, Coatzospan

1.1

Kaka'an ntódo Juaan Bautista ñuu itsí kån

(Mt. 3:1-12; Lc. 3:1-9, 15-17; Jn. 1:19-28)

1.1 Dukuån o iñi ntu'u e dóo vá'á ó kaka'an tú'un iña Jesúcristu, ñá Xuva kō, ña tuví e dukún kån.

1.14-15

Eni ntu'u Jēsuu kaká'an ntódo ña ñuú Galilea

(Mt. 4:12-17; Lc. 4:14-15)

1.14 Dā inúu kutu Juaan viútun sán ne, xée Jēsuu ñuú Galilea, kaka'an ntódo ña, kaka'an ña nté kuån nte vá'á ó kadē kú've Xuva kō.

1.15 Kaka'an ña:

—E xée ūra í ve. Ña ná'á ka dá kixkadā kú've Xuva kō. Dukuån né, natu'vi ntó kuetsi nto ne, kuinti'xe nto tú'un é vā'á san —ka'an ña.

1.21-27

Uun ña'a, ñá nuu é ña vá'á nima i

(Lc. 4:31-37)

1.21 Xée ña ñuú é nani Capēmau. Ntuvi é ntoo kadin ña'a sán ne, kué'en Jēsuu má vi'i mi ntánataká nuu ña Israeé ne, eni ntu'u ña nakua'a ña ña'á san.

1.22 Ña'a sán ne, dóo va'á kuini ñá da téku ña é kuån nte vá'á ó kaka'an Jēsuu. Ñá te ni ká'an ñá ni ña vatā ó kaka'an mastrú lei iña Xuva ko, tsi dóo iō ña é ká'an ña dá kanakuā'a ña.

1.23 Tuví uun ña'a má ūkún kån, ña é nuu e ña vá'á nima i. Kaka'an ñátí san:

1.24 —¿Nté kui kånateñu nuu nto ntí, Jesuu, ñá ñuú Nazaree? ¿Vēxká'ni ntu nto ntí? Iní ntí nto, tsí Xuva kō táxnū ña nto —ka'an ña.

1.25 Ntá tsi de tí Jesuu ni é ña vá'á san, kaka'an ña:

—iNtiin í'a, tsí ña te iña o sá'á! —ka'an ña.

1.26 Īde é ña vá'á san é xi'i mii ñatí san ne, dóo ntii kachu'u ntáa é ña vá'á san da ntí, kue'en.

1.27 Koó dā kúdu'va ña ntāñí san ne, ntáka'an ña:

—¿Xoó ña'a ntu ña sá'a e kúvi idé ña é nakūnu ña é ña vá'á san? Ña sá'a ne, e túku o kadē kú've ña.

Kakutí ña kanakūnu ña é ña vá'á san. ¿Né ntu nchu'ún kanakuā'a ña kō? ¿Ō nchu'ún xeé ntu, ne, nté kaa? —ka'an ñá'a san.

1.32-34

Dōó títin ña nchokuví ntavá'a Jesuu

(Mt. 8:16-17; Lc. 4:40-41)

1.32 Dā kuáa, da idó nuu ngánti sán ne, ñá tē nté kaa ña'a xee ña mí tuví Jesuu, xee ní'i ña ña nchokuví ni ña é ñu'u é ña vá'á nima i.

1.33 Un ntí ñá ña ñuu í san ne, nataká nuu ña xi'i kan.

1.34 Ñá tē nté kaa ña'a ntavá'a Jesuu da nēé ka kui'i ntákuví ña. Nakúnu ña é ña vá'á san é ñu'u nima ñá'a san ñá. Ñá ni xéé Jesuu itsi é ká'an é ña vá'á san xoo é ñá ñá, tsí e ña vá'á san ne, ini tsí Īxá Xuva ko ñá.

2.1-12

Ntāvá'a Jesuu úun ñá'a, ñá xi'i kúñu i

(Mt. 9:1-8; Lc. 5:17-26)

2.1 Dā kútítín ntuví ne, nāxee Jéssuu ñuu é nani Capērnau. Ura tsí i kútuni ñá'a san é tuví ña uun vi'i.

2.2 Ñá tē nté kaa ñá'a náataká nuu ña; ntē ña ni xee tá'an vi'i san é kuntōo ña má vi'i kán é kīni ña é kāká'an ña.

2.3 Kidáā ne, xée kīmi ñá'a, odo ña uun ñá'a, ña xi'i kúñu i.

2.4 Ñá ni kúvi kuíta ntí'xin ña má vi'i mí tuví Jesuu, tsí ña te nté kaa ñá'a ntáñi ña. Dukuān ne, kúxēe ña diki vi'i kan né, nākaán ña un siin dikā vi'i san mí tuví Jesuu. Mí kantíi ne, nákií ña chidō é nuu ña xi'i kúñu i san iní vi'i kán.

2.5 Dā íni Jesuu tsí ña odō ña xi'i kúñu i sán ne, ñi kué'en ini ña ntákuinti'xe ña ne, kaka'an ñá ni ña nchokuví san:

—É ntōo kuétsi o vē, da' —ka'an ña.

2.6 Ío mastrú lei Xúva kō é ntoo ña ne, ntádē kuení ña:

2.7 “¿Nté kui kuān ó kaka'an ntú ña sá'a? ¿Ña kaíko ñu'u ntu ña Xuva kō? Tsí xoxó ñá'a ñuxiví sa é kúvi nakate ña kuétsi kō. Da mii tsi Xuva kō é kúvi vii ña”, dé kuení ña.

2.8 Kútuni Jéssuu nté o ntádē kuení ña ne, kaka'an ñá ni ña:

—¿Nté kui kuān ó ntádē kuení nto?

2.9 ¿Neé ntu e díf ka ña ví'xin kaa é ká'an u ni ña sá'á, te kuini nto? ¿Ó ka'an ntu u: “É ntōo kuétsi o”, o ka'an ntu u: “Nakuntísin, kuni'in chido o, kunú'un nú vi'i o kán”, koo ka'an u?

2.10 Ntio ko é na kútuni nto tsí xu'u é vēxkúvi ú ñatíi ne, kuvi nakate u kuétsi ntō ñuxiví sa —ka'an Jéssuu ni mastrú leí san.

Kidáā ne, kaka'an ñá ni ña xi'i kúñu i san:

2.11 —Divin é kāká'an u ni o ne, nakuntísin, kuni'in chido o, kunú'un nú vi'i o kán —ka'an Jéssuu ni ña.

2.12 Ura tsí i nakuntísi ña, náki'i ña chido ñá ne, kúnú'ú ña nú vi'i ña kán. Koó dā kúdu'va ñá'a san ne, nánú'u ñá iní ña Xuva kō, ntáka'an ña:

—Váta ūun ito kini o é kuān ó kakuvi, é kántuvá'a ñá'a san —ka'an ña.

4.35-41

Dā natú'u Jesuu tátsin ni ntúté san

(Mt. 8:23-27; Lc. 8:22-25)

4.35 Dā kuáa ntuví tsikán ne, kaka'an Jéssuu ni ña ntini'i ñá:

—Kuíta nti'xin o ūun xo diñi ntute san ve —ka'an ñá ni ñá.

4.36 Kidáā né, ña ntini'i Jéssuu tsóo mii ña ūn ntíi ntíi ñá'a san, dá kúxēe ña iní tun ntōo mí nuu Jesuu. Titín ñá'a kúxēe ña tuku tun ntōo é kí'in ñá ni Jéssuu.

4.37 Kidáā ne, ñi ntú'u ínu tátsín o ne, uun ito tsi kukí'vi ntúte iní tun ntōo san un tsi da nte tsítu ntute.

4.38 Jesuú ne, kakidi ña ata tún ntōo san, xi'i téu ña doo díki. Nantóto ña ntini'i Jéssuu ña, ntáka'an ñá ni ñá:

—iMastrú! ¿Ñá ntu te káde nto kuenta é dóko sa téni o? —ka'an ñá ntini'i ñá.

4.39 Kidáā ne, náakuntísi Jesuu, dá kakā'an nā ni tātsin ni ntuté san:

—iNakunúun kadin! iDiin diin tsi kutúvin! —ka'an nā.

Xíō kadin tatsin ni ntuté san.

4.40 Kidáā ne, kaka'an Jéssuu ni nā ntin'i nā:

—¿Nté kui ntaú'vi ntú nto? ¿Nā ntákuinti'xe ntu nto tsi dóo ka'nu Xuva kō? —ka'an nā.

4.41 Dā kúdu'va nā ntini'i nā ne, ntánatíin mii nā:

—¿Nēe nā'a ntu nā sá'a é un tsi nte tatsin ni ntuté san ntáde ntaa é kākā'an nā? —ka'an nā ntini'i nā.

5.22-24

5.22 Ikan vē'xí uun nā'a, nā nteé nta'a i xi'i úkūn nā Israeé san, nā naní Jairu. Dā íni nā Jesuú ne, ínchiti nā nūu nā ne,

5.23 kaka'an nā:

—Dóko sá kúvi i'xá ko. Ki'xi nto, tiin nta'a ntō í, na kútíi ntuvá'a —ka'an nā.

5.24 Kidáā ne, kué'en Jēssuu ni nā. Nā te da dii nā'a kué'en nā dí. Dōo tá'u nūu Jesuu mé'nū nā'a san.

5.35-42

5.35 Nii dukuan kākā'an Jéssuu ni nādi'i san ne, xée nā'a, nā vé'xí nte nú vi'i Jairu, nā é nchokuvi dióko í. Nā'a sán ne, ntáka'an nā:

—E xi'i dióko ntō. ¿Nté kui kanatekū du'xén ka ntú nto Mastrú san? —ka'an nā.

5.36 Nā ni íde Jesuu kué'nta é ntáka'an nā'a san, ntá tsi kaka'an nā ni uva i'xá san:

—Nā ku u'vi ntó; kuinti'xe nto Xuva kō —ka'an nā.

5.37 Nā ni xē'é Jesuu itsi é kī'ví nā'a san ni nā; mii tsi Pedru ni Sántiau ní Juaan, ení Santiaú san.

5.38 Dā xee Jéssuu ni nā nú vi'i nā nteé nta'a i xi'i úkūn sán ne, dōo dito ntaéku nā'a san é ntaéku nteé nā diókō Jairu.

5.39 Kidáā ne, kúkí'ví Jesuu má vi'i kán ne, kaka'an nā ni nā'a san:

—¿Nté kuān nte dú'xen eku ntu ntō? Tsí i'xá san ne, nā te ni xi'i, tsí kūdii kakídi —ka'an nā.

5.40 Ntá tsi nā'a sán ne, da ntáxkuntée nā é kākā'an Jéssuu, tsí ini nā tsí e xi'i kue'en i'xá san. Ntá tsi kíñu'u Jesuu un ntí nā'a san nu kí' kán. Da mii tsi dí'i i'xá san ni uva i, nī ntuni nā'a nā ntini'i nā kúkí'ví ni'i nā mí tuví i'xá san.

5.41 Dā karkáa Jesuu ntá'a i ne, kaka'an nā ni i:

—Talita, kumi (é káni tú'un: Nākuntísin, la') —ka'an nā.

5.42 Kidáā ne, náakuntísi i'xá san ne, nakaka, tsí é uxuvi kuá i. Koó dā kúdu'va nā'a san.

7.18-23

7.18 Kaka'an Jéssuu ni nā:

—Ntō'ó ne, ¿nā ntu ntátekú nto dí? ¿Nā ini ntú nto tsí nā tuví nee iñā é kaē'xí nā'a é kaki'xi nte kí'i kan é kade i é kakudentū nima nā?

7.19 Tsí nā te nima nā kakí'vi, tsí mii tsi ini i'xí nā kakí'vi ne, dá kantii kúñu nā —ka'an nā.

Dukuān ne, nee iñā é ntaé'xi ó ne, vá'a; nā te déntū.

7.20 Kaka'an nā dí:

—É kakēne nima nā'a sán ne, diví é kade i é kakudentu nā.

7.21 Tsí un tsi nté nima ñá kakene e ntádē kuení ña é kīni kaa, e ntáde ña é kini kaa ni ñadī'i ñá'a san, e ntáde luku ña, e ntaé'ní ña ña'a,

7.22 e ntáde ña é kīni kaa, e ntaéni ntá'ví ña ña'a, e ntáde xení ña, e ntákune'u iní ña, e ntáka'an ñá dovete, e dóo na'nu ncho víí ña, e ntáde tuntu ña.

7.23 É un ntī'i é kīni kaa sán ne, nima ñá kakene. Dukuān é ntákudentu ñā —ka'an Jēsuu.

9.2-8

Dā nádama kúñu Jēsuu

(Mt. 17:1-13; Lc. 9:28-36)

9.2 Dā ita ntí'xin iñu ntúvi ne, Jesuú ne, kue'en ní'i ñā Pedru, Sántiau ní Juaán san, kué'en ña ūun xuku mi dóo dūkun, mí xoxó ña'a. Ikān né, nádama kúñu Jēsuu núu ntuni ñá'a, ñá ntini'i ñā.

9.3 Ìñi ntú'u káxi'yí nuu doo ña. Ntukui'xīn kue'en, e nté uun ña'a ña kuvi nakáte ña vatā ó kuí'xin.

9.4 Kidāā né, ntīi dītó Elia ni Muísee, ña xi'yí nte kídaā, ne, ntatfīn ña ni Jēsuu.

9.5 Kidāā ne, kaka'án Pedrú san:

—Mastru, iñā tē nté kaa vá'ā o é ntoo ntī ni ntō í'a! Xntāñi ntī uni ví'i xó'o vē: uun iña nto, uun iña Muísee, ni ūun iña Élia —ka'an ña.

9.6 Dotō tsí kaka'an ñá, tsi dóo u'ví ñá, ntuni ña.

9.7 Kidāā ne, nákunūu ta'án ña vikó san ne, mé'nū vikó san vé'xi tatsín san é kāka'an:

—Ña sá'a é I'xá mīi ko e dóo kakuinimá ko ña. Kīni nto é kā'an ña —ka'an tatsín san.

9.8 Ña ntini'i Jēsuú san ne, ura í da xkókōto ña ne, ntoko ñu'u mīi ntuvi ñá'a san. Da mīi sá Jesuu ntftsí ña.

12.28-31

Tū'un é díí ka ka'nu

(Mt. 22:34-40)

12.28 Xée ūun mastrú leí ne, tēkú ña é kāka'an Jēsuu ni ñá saduceú san. Īní ña tsi dóo vá'ā ó kaka'an Jēsuu é kanantiko koō ña. Tsixe'e mastrú leí san dí:

—¿Neé ntu tú'un e tá'xi Xuva kō é díí ka ka'nu é kāda ntaa o? —ka'an ñá, tsixe'e ñā.

12.29 Nantíko kōo Jesuu, kaká'an ña:

—É kuvi ūun sán ne: “Kíní nto, ña Israee: uun tsi Xuva kō e dóo ka'nu ña.

12.30 Kuinima ntó Xuva ko kanī nima ntó, kanī é tduiña nto, kanī ū'xen díki nto. Nī kué'en ini nto kunuu iní ntó ña.”

12.31 É kuvi ūvī san ne: “Kuinima ntó ta'an nto vata tsí ó kakuinima ntó kúñu mīi ntō.” Ña túvi ká xtuku é kadā kú've é vata kaa sá'a —ka'an Jēsuu.

14.10-11

Dā díko Júdā san Jēsuu

(Mt. 26:14-16; Lc. 22:3-6)

14.10 Uun ña ntini'i Jēsuu, ñá naní Júda Scārioté ne, kué'en ña mí ntoo tó'ō dutú san ne, tíin ña ni ñā nté koo víí ña é díko ña Jēsuu.

14.11 Dā téku tó'ō dutú san é kāka'an Júdā né, dóo diní ña. Xé'e ñā xu'u ña e ntá'vi ña ña te kuvi víí ña. Júdā sán ne, ntukū nuu iní ña nté koo víí ña é díko ña Jēsuu.

14.44-46

14.44 Júdá sán ne, nté dí'na tíin ña nī tó'ō dutú san:

—Xoó ña'a é kǎ'xi ú xu'u i ne, é divi ñā. Tíin nto ña, kunteka vá'a nto ña —ka'an ña.

14.45 Dā xee Júdá sán ne, ura tsí i kué'en ñā mí ntitsí Jesuu, ká'an ñá ni ñā:

—iMastru! —ka'an ña.

Ē'xí ña xu'u Jesuu.

14.46 Kidáā né, tíin ña'a san Jésuu.

15.6-15

Kaka'an ña é kūví Jesuu

(Mt. 27:15-31; Lc. 23:13-25; Jn. 18:38-19:16)

15.6 Kuia kuíā dá kaxee víko e náka'an ñā'a san nté ō nakáku Xuva kō ña Israeé san ñuú Egtō né, vatā xkoó ini Pílatú san ne, kanantii ñá uun ña'a ña ñu'u kutū san, ntá tsi ña'a san ntafkan ña xōo ñá'a é ntio ña.

15.7 Tífn ña'a ñu'u kutu ña viütun san ntuvi tsikan, tsí naá ña ni ña tsiñu i sán ne, ē'ní ña ña'a. Uun ña'a ñā né, Barabaa nani ña.

15.8 Ñá te da díi ña'a san xee ña, ntáka'an ñá ni Pilatu té nantii ña uun ña'a ña ñu'u kutu viütun san, vatā ó de ña kuia kuia dá kakuvi viko sá'a.

15.9 Kaka'an Pílatu ni ña'a san:

—¿Ntio ntu nto é nantii ú Rei iña ñá Israeé san? —ka'an ña.

15.10 Tsi kútuni Pílatu tsi tó'ō dutú san kune'u iní ña ni Jésuu. Dukuān e ntáda ña ña kuenta ntá'a ña.

15.11 Ntá tsi tó'ō dutú san ne, ntáka'an ñá ni ñā'a san é ká'an ñá ni Pilatu é na nantii ña Barabaá san.

15.12 Kaka'an xtúku Pilatu ni ña'a san:

—¿Nté ntu koo víi u ni ña sá'a kuan, ña e xntánteē ntó Rei iña ñá Israeé? —ka'an ña, tsíxe'e ñā.

15.13 Koó da vāntiñi ñá'a san ntáka'an ña:

—iNaxnteē ntó ña ntiká krusi kan! —ka'an ña.

15.14 Kaka'an Pílatu ni ña:

—¿Nté kui san? ¿Neé ntu kuetsi idé ña sá'a? —ka'an ña, tsíxe'e ñā.

Ntá tsi dā díí díí ka vāntiñi ñá'a san ntáka'an ña:

—iNaxnteē ntó ña ntiká krusi kan! —ka'an ña.

15.15 Pilatú san ne, ña ni ntío ña é kúdiin ñá'a san ni ñá, ne, nantii ña Barābaa. Kidáā ne, kaka'an Pílatu ni sntadún san é na káni ña Jesuu xó'o ūme ne, dá ntáda ña ña kuenta ntá'a sntadún san é na naxnteē ñá ña ntiká krusi.

15.33-39

Dā xi'i Jésuu

(Mt. 27:45-56; Lc. 23:44-49; Jn. 19:28-30)

15.33 Dā ká'ñu ntuvi ne, un tsi da nte kaeku uni kuáa ne, kūneé da kaniñi ñuxivi.

15.34 Ura tsíkan ne, un ntii tsí kéne Jesuu, kaká'an ña:

—Eluii, Eluii, ¿lama sabatani? (é káni tú'un: Xuvā kó, Xuvā ko, ¿nté kui xtuví mii ntó ko?) —ka'an ña.

15.35 Dā téku ña ntāñi étsin sán ne, ntáka'an ña:

—Kini nto ña. Vata te kakana ña ña ka'án naa Xuva ko, ñá nani Ēlia —ka'an ña.

15.36 Uun ña'a ñá né, kaxkainu ña kue'en ña, kuxnúu nto'o ña tí'nti dóo san iní ntute tinti'o ía, dā xnuu ntído ña diki útun, dā xe'é ña é kō'o Jesuu. Kaka'an ña:

—Na koo mii nto ñá. Koto o ve te kí'xi ntí'xe Eliá san é nántii nteé ña ña ntiká krusi kan —ka'an ña.

15.37 Kidáá né, káchu'u ntáa Jesuu, ntí'xi nuu kakan iní ñá ne, xí'i ñá.

15.38 Ntáa ntāa dôxi é rkaa íko má ūkún ka'nu san. Nte diki i un tsi nte xe'e i ntíi.

15.39 Uun tó'o é uun sientu sntadún san ntítsi ña nuu Jéssuu. Dā iní ña nté o xí'i Jéssuú ne, kaka'an ña:

—Nuu é ntāa ntí'xe i é ña sá'a ne, I'xá Xuva ko ñá —ka'an ña.

15.42-46

Dā intú'xi Jesuu

(Mt. 27:57-61; Lc. 23:50-56; Jn. 19:38-42)

15.42 Dā kuáa ntuvi vierné san, ntuvi é koo tú've tsí utén ne, ntuvi iō dá'na,

15.43 xée Jōsee, ña vé'xi ñuú Arimatea. Ña sá'a ne, dōó ntaíko ñu'u ña'a san ña, tsí ña tsiñu i ña.

Kantétu ña ntúvi dá kada kú've Xuva kō. Naxnuu ka'xi ñá nima ñá ne, kué'en ñá mí tuví Pilatu é ntākan ña kúñu Jéssuu.

15.44 Koó dā kúdu'va Pilatú san tsí e xí'i Jéssuu. Kāna ña tó'o sntadún san, tsíxe'e ña ña tē nuu é ntaā i é xí'i Jéssuu.

15.45 Kaka'an tó'o sntadún san tsí nuu é ntaā i.

Kidáá ne, xé'e Pilatu ítsi é na nākunf'i Joseé san kúñu Jéssuu.

15.46 Joseé san ne, ñii ña doo vá'a é nāxnuu ta'án ña Jesuu. Nántii ntēé ña ña ntiká krusi kán, dā náxnuu tá'an ña ña doó san, dā xtúvi ntuvē ñá ña iní ñañá mí ete nuu ña iní xuú san. Xnuu ntí'u ñá xí'i ñañá san uun xuú ka'nu.

16.1-7

Dā ntóto Jesuu

(Mt. 28:1-10; Lc. 24:1-12; Jn. 20:1-10)

16.1 Dā ntí'i ntuvi dá iō dá'na ne, María Madálena, María, dí'i Sántiau lú'nti sán, ni Salúmeé ne, ñii ña cho'o e dóo vá'a ñe'e é da'vi ña ata dóo é nuu ta'an kúñu Jéssuu.

16.2 Tēvaá du'va tsi da vé'xi tuví ntuvi domingú san ne, kué'en ñadĩ'i san nú ñañá Jéssuu.

16.3 Ntánatíin mii ñá:

—¿Xoó ntu kuvi naxtuví xio i xuu ka'nú san é kantí'u núu xí'i ñañá san? —ka'an ña.

16.4 Dā íto ña ne, ñá kantí'ú ka xuu ka'nú san xí'i ñañá san.

16.5 Kí'vi ña iní i kán né, iní ña tsí tuví uun ñatíí díñi kua'a ñañá san. Nuu ña doo kani, doo kui'xin. Ña dí'í san ne, dōo u'ví ña.

16.6 Kaka'an ñatíí san ni ñá:

—Ñá ku u'vi nto. Iní u tsí ntánantuku nto Jéssuu, ña ñuú Nazaree, ña é intée ntiká krusi kan. Xôxó ka ña í'a. É ntōto ña. Koto nto mí inuu ntú'xi ña.

16.7 Kue'en ntó, kukoto nto Pedrú, ni ña ntini'i Jéssuu, tsí e dí'na ña kodo nuū ñá nu'u ñá ñuú Galileá ne, ikan nakini ntó ña, vatā ó kaka'an ñá ni ntō —ka'an ñatíí san.

16.15-16

16.15 Kaka'an Jéssuu ni ña:

—Kue'ēn ntó ve, kuka'an nto tú'ūn va'á san kuenta iñá ko ni ūn ntīī nīī űa'a san dá kanīī űūxivi.
16.16 Xoó űa'a é kuinti'xe űa ne kutsi ntute űa ne, nakākú Xúva ko űā. Ntá tsi xoó űa'a, űa é űa
kuinti'xe i ne, űá kada ka'nū iní Xuva ko ni űa kuētsí űa.

16.19-20

Dá kúntāa Jesuu é dukún kān

(Lc. 24:50-53)

16.19 Kidāā né, dā kúvi ka'an Tó'o ko Jēsuu ni űa ntīnī'ī űā ne, kúntāa űa e dukún kān, kunakutúvi űa
diñī kua'a Xuva kō.

16.20 űā ntīnī'ī űā ne, kué'en űa, kūka'an űa tú'ūn va'á san iñā Jēsuu dá kanīī űūxivi. Tō'ó ko Jēsuú ne,
xntīi űa űā ne, xé'e űā é kūtuni űá'a san tsí nuu é ntaā i é ntáka'an űá, tsi xé'e űā é kúvi víí űa nuu i e
dóo na'nu san. Kuan tsī kaa é kā'án u ni ntō.